


景祐乾象新書

七



7

女宿



女宿占 女宿所管星 日蝕女宿占

日暈女宿占 月蝕女宿占 月暈女宿占

月犯女宿占 歲星犯女宿占 熒惑犯女宿占

填星犯女宿占 太白犯女宿占 辰星犯女宿占

客星犯女宿占 彗星犯女宿占 孛星犯女宿占

流星犯女宿占 雲氣犯女宿占

虛宿

一曰歲星守牽牛農人死於野陰陽不和五穀多傷
陶隱居曰歲星久守牛人臣謀主若逆行久守有木
災道不通 武密曰歲星留牛爲破軍殺將牛多疫
後魏獻文帝太和十四年三月歲星守牽牛占曰人君
不愛親戚貴人多死後三年齊武帝崩

熒惑犯牛宿占

天文錄曰熒惑入牛中四月越王憂糴貴犯守諸侯
多疾熒惑居牛陽有喜居陰有憂入牛中或出

守牛之南二十日則有大赦 天文摠論曰熒惑久

守牛其分人饑有火災 郗萌曰熒惑留牛春旱

秋水若犯牛其國之君必外其大臣 陳卓曰歲星

犯牛臣謀其主 海中占曰歲星犯牛諸侯多病

郗萌曰熒惑舍牛河津關梁不通 挺佐輔曰熒

惑居牛陽有喜居牛陰有憂 甘德曰熒惑守牛

六十日兵起牛車用 陶隱居曰熒惑守牛老臣叛

牛貴兵起將死 李淳風曰熒惑守牛有犧牲之

事若守牛四月越主死糴貴多火災若犯留守牛有
破軍殺將 石申曰熒惑守牛大人有疾兵起 李佺曰熒惑守
武密曰熒惑守牛大人有疾兵起 李佺曰熒惑守
牛破軍殺將
宋孝武帝大明三年熒惑久守牽牛占曰兵起大
臣叛是年皇弟竟陵王誕據揚州反遣沈慶之斬
之貶其族為流民

填星犯牛宿占

天文錄曰填星犯牛有土功事守牛則大赦天下鹽
貴牛馬死 天文摠論曰填星守牛其分多忠臣
義士有赦天下有急令守牛南大人惡之守牛北
庶人多憂 陶隱居曰填星守牛賊臣謀主有失
土之君 陳卓曰填星守犯牛有土功事 海中占
曰填星守牛有雨雪人民疾牛馬病 郝萌曰填
星逆行牛有盜賊 武密曰填星守牛南天子憂
守牛北則庶民憂

太白犯牛宿占

天文錄曰太白出入留舍牛三十日不下則牛大貴

天文摠論曰太白犯入牛天子車馬在道路 郝萌

曰太白留守舍牛臣為亂 海中占曰太白守犯牛

諸侯不通又曰妖言無已 荊州占曰太白入牛有

兵謀人多死 李淳風曰太白入牛天下牛車用若

入牛留守之將軍失其衆大人死若犯牛為破軍

武密曰太白守牛國有大兵若犯牛其國易政

陶隱居曰太白守牛地氣洩有兵起城下人多死

李佺曰太白犯牽牛將軍失衆若守牽牛中主兵起

辰星犯牛宿占

天文錄曰辰星乘牛有犧牲之事守牛則歲多水

其分民憂 天文摠論曰辰星犯牛則五穀小登

守之牛疾疫 陳卓曰辰星犯守牛敗軍殺將臣

謀主貴人多死 郝萌曰辰星犯牛民多死喪

荊州占曰辰星犯牛關梁不通 陶隱居曰辰星

常以冬朝於牛當朝不朝為失律二時不朝名失政
三時不朝來年五穀不豐大水為害

客星犯牛宿占

天文錄曰客星入牛諸侯客有來以四足蟲為幣
出牛君使人之諸侯以四足蟲為幣色青在道病黑
死不至 荊州占曰客星出牛君使人之諸侯色赤
言兵色白言義黃言土功青言憂黑言凶 武密

曰客星出牛則地動牛馬貴三倍守牛則越有循象

獻中國又曰牛馬貴 陶隱居曰客星守牛則有兵

起 甘德曰客星守牛越國起兵 海中占曰客星

出牛牛多死者若犯牛有犧牲之事 郝萌曰客

星舍牛臣謀其主五穀不登 陶隱居曰客星守牛

三十日有兵起 李淳風曰客星守牛盜賊在江海

歲多水

漢孝明帝永平九年正月戊申客星出牽牛占曰牽
牛主吳越後廣陵王荆與沈涼楚王英與顏忠各謀

逆事覺皆自殺之

彗星犯牛宿占

天文錄曰彗星出牛有兵糴貴牛死守牛北夷將亂石申曰彗星行歷牛中則吳地兵起有自爲首者即自敗之兆

漢哀帝建平二年二月彗星出牽牛七十餘日傳曰彗所以除舊布新也牽牛日月五星所從起歷數之元三正之始彗而出之改更之象也其出久者爲其

彗星十八

二

事大也其六月甲子夏賀良等建言當改元易號增漏刻詔書改建平二年爲太初元年號曰陳聖劉太平皇帝刻漏以百二十爲度八月丁巳悉復蠲除之賀良及黨與皆伏誅流放其後卒有王莽篡國之禍

孛星犯牛宿占

天文錄曰孛星出牛糴貴 天文摠論曰孛星出犯守牛則吳越起兵下當有自立者後三年自當滅李淳風曰孛星出牛則牛大貴或死 陶隱居曰

孛星歷牛中吳越有自立為王者出牛七十餘日有
改更之象 陳卓曰孛星出牛有改元易號之象糴
貴牛多死 武密曰孛星出牛四夷兵起邊境侵中
國人主憂

流星犯牛宿占

天文錄曰流星干牛則大將出期百八十日 天文摠
論曰流星出犯牛有四足虫來者 武密曰流星色

赤入天鼓將受命於主出天鼓將如星所之以占四方

第第十八

十三

李淳風曰流星犯牛王欲改事春夏犯五穀熟秋冬
犯五穀貴 乙巳略例占曰流星黑色入牛牛馬疫
色黃牛馬昌盛關梁入貢

後魏獻文帝太和二十三年六月辛未有流星出牽
牛占曰民流亡至景元元年北鎮十七州民饑百姓流
亡不知其數

雲氣犯牛宿占

天文錄曰蒼白氣入牛則牛多疾黃白氣入牛則牛

畜息黑氣入牛則牛死 天文惣論曰赤氣入牛有
兵 武密曰蒼白氣橫貫牛有兵喪除舊布新之象
吳孫亮五鳳元年十一月有蒼白氣橫貫牽牛占曰有
除舊布新之象至太平三年孫綝以兵圍宮廢吳主孫亮

女宿占

傳曰女四星天之少府也須女賤妾之稱婦職之卑
者星讚曰女星主布帛裁製嫁娶也 甘德曰女

星明則天下大豐女功昌國充富星小不明則天

卷之八

七

下虛空國藏不足 郝萌曰女星明則女功昌星
小不明則法令易詩書滅絕

女宿所管星

秦星

代星

韓星

魏星

燕星

晉星

楚星

鄭星

瑯瑜

司命

司祿

司危

司非

天津

東五
星

日蝕女宿占

天文錄曰日蝕女則宮中有使巫祝禱祀以求貴
幸 天文摠論曰日在女蝕主越分饑 陶隱居
曰日蝕在女中其邦有憂患 甘德曰日蝕須女中
邦有女憂天下女工不為 武密曰日蝕須女戒在巫
祝后妃禱祀 郝萌曰日在女蝕后妃疾病

日暈女宿占

天文摠論曰日暈女則後宮憂有霧氣 武密

曰日暈女後宮有囚廢者一曰女主憂

月蝕女宿占

天文錄曰月蝕女則宮中巫祝呪禱祠以求幸事
當有黜者 天文摠論曰月蝕女則其國女主憂
女工廢 武密曰月蝕女則有兵一占曰旱
石申曰月蝕女國有憂女工不能為

月暈女宿占

天文錄曰月暈女則寡婦多死風起有兵 武密

日月暈女兩重及三重女主崩又曰后妃被廢

李淳風曰月暈須女兵進而不鬪有兵謀不成

月犯女宿占

天文錄曰月犯女其國有憂將軍死 天文摠論

曰月犯女女子憂疾 武密曰月犯女有變有兵

不戰而降亦為女布帛有高下改易貴賤女工興有

女令 河圖帝覽嬉曰月犯須女天下多女患

鄰萌曰月變須女有兵不戰而降又曰有嫁娶之

皇朝

一五

事 李淳風曰月犯女有女惑事

晉孝武帝太元二年七月戊辰月入女占曰大臣死八月

征西將軍桓溫薨

歲星犯女宿占

天文錄曰歲星入女宿則諸侯有賀天子以美女期

三十日若九十日留女二十日布帛貴國有女喜嫁娶

之事一曰穀熟 天文摠論曰歲星犯女則外國有

進美女者主后妃喜宮中受賜不出百日 陶隱

居曰歲星守女則歲多水 石甲曰歲星守須女其
國饑有喪人多凍死 甘德曰歲星犯女國有喜立
后太子 郗萌曰歲星逆行女君不務農桑
巫咸曰歲星守女歲多水國有女喜 武密曰歲
星守女糴貴民有火災

晉簡文帝咸安二年正月歲星犯須女占曰爲內亂
是年七月帝崩桓温擅權謀殺侍中王坦之等內亂

熒惑犯女宿占

熒惑十八

十六

天文錄曰熒惑入女糴貴留女二十日天子受女子
之慶若熒惑居女陽有喜居陰有憂 天文摠論

曰熒惑入女中布帛貴天子納美女 武密曰熒
惑留逆行犯守女則大臣憂又曰入女中皇后死布
帛貴民有火災若填星熒惑同在須女者女主惡之
李淳風曰熒惑守須女皇后病宮中多火災

陶隱居曰熒惑守須女老婦多死布帛大貴
荊州占曰熒惑入須女天子納女 郗萌曰熒惑出入

留舍須女五十日不下其國兵出 海中占曰熒惑犯守
須女國多祿祥大臣當之 挺佐輔曰熒惑居女陽有
喜居女陰有憂 郝萌曰熒惑留女有叛逆者若
守女北主大水若逆行至牛復還女千里無稼穡
荊州占曰熒惑守女為政急若色青有女喪宮女憂
色黑多死色黃白吉 陳卓曰熒惑守女大人不安
五穀不登民多疾病 甘德曰熒惑守女王者布帛
及臬麻貴 巫咸曰熒惑守女有女喪 李佺曰熒
惑入女中兵大起

宋孝武帝大明五年正月熒惑犯須女占曰女主惡之
後有文穆皇后崩

填星犯女宿占

天文錄曰填星入女天子有喜守女宿則后有喜賤
者暴貴 天文摠論曰填星逆行守女色變不明
女主不親蠶桑 武密曰填星逆行留守凌女則
大臣必有變令苛政 郝萌曰填星留舍女中其國

益強以武致天下若逆行女色不明爲女主不親桑
若留女三十日不行有失地之君五十日不下有民流亡
海中占曰填星守女山水出廬舍壞多土功 石申
曰填星守女女謂行后專政又曰人相疾惡有女喪
李淳風曰填星守須女多妖女

太白犯女宿占

天文錄曰太白犯女則布帛貴守女則有嫁女娶婦
之事出入女則其國有兵臣有憂 武密曰太白犯

女去一尺而守之女多寡 石申曰太白入女中幸臣與

女黨有謀兵發於內又曰婦人多寡民災庫藏出金

帛 陳卓曰太白犯女布帛貴 海中占曰太白犯

女兵起北行一曰有嫁娶事 荊州占曰太白犯女天

下多寡女 甘德曰太白守女軍發府藏珍寶出

李淳風曰太白留守女有女喪若出入守舍女棺木

暴貴

辰星犯女宿占

天文錄曰辰星犯女有水驚繒帛貴 天文摠
論曰辰星犯守女其國多有娶婦嫁女婚禮之
事不爾外國來進美女者久守女則后妃夫人有憂
陶隱居曰辰星乘女萬物不成若守女后夫人有
憂 石申曰辰星守女水災布帛貴 李淳風
曰辰星守女有赦 陳卓曰辰星犯須女國饑民
多疾 黃帝占曰辰星守女兵起臣當之 荊州
占曰辰星守女天下寡女多死 郗萌曰辰星守

女南數被火守女北數被水 海中占曰辰星守女
天下水雨無霽 郗萌曰辰星守女妾為主

客星犯女宿占

天文錄曰客星干犯女則隣國有以奇女來進侍
者妾遷爲后守女則南邦獻女賤女暴貴或糴
貴 石氏曰客星出女國有嫁女事色黃白則吉
青黑凶赤則憂 荊州占曰客星入女有嫁娶事
絲帛貴 陳卓曰客星守女諸侯有兵江淮路不

通一曰糴貴 陶隱居曰客星犯女兵起女人爲
亂 武密曰客星守女女有出 李淳風曰客星
守女宮人有憂貴人有死

彗星犯女宿占

天文錄曰彗星出女則有水災糴貴鹽貴

天文摠論曰彗星出入女其國有憂王者惡之

陶隱居曰彗星行犯女其國兵起女人爲亂

陳卓曰彗星干犯須女隣國有以竒女來進者

乾象十八

二十

武密曰彗孛犯女其邦兵起女人爲亂王者無信若

退女所親天下安寧 李淳風曰彗星出須女其

國大夫起兵女主爲亂將軍戮 石申曰彗星出女

兵亂

孛星犯女宿占

天文錄曰孛星干犯女則隣國有以竒女來進侍者

天文摠論曰孛星出入女則其國有憂王者惡之

武密曰孛星犯女其邦兵起女人爲亂若退女所親

天下安寧 石申曰孛星犯女兵亂女子爲之
陳卓曰孛星干犯須女有奇女來進遷妾爲后
李淳風曰孛星出須女有戰亡不出三年

流星犯女宿占

天文摠論曰流星犯入女則天子納美女抵犯女則貴
女有下獄者期一百八十日 武密曰流星入女天下
納美女流星出女女御有使者若干犯女有貴女下
獄若抵女女主有死期一年 乙巳略例占曰流星

卷之八

三

黃潤出入女天子納妃爲后亦爲有婚禮之喜若
流星色黑出入女天下女工死色白后宫妾死

後漢元興元年四月辛亥流星起斗東北行到須女
占曰燕地有兵其年遼東貊人反發上谷北平遼西
烏桓兵討之

雲氣犯女宿占

天文錄曰黃白氣入女有嫁女事白氣入女則女多
疾病黑氣入女多婦人喪赤氣入女婦人多以兵死

天文摠論曰黃雲氣入女則女主有慶賀事

虛宿占

傳曰虛二星冢宰之官也主北方邑居廟堂祭祀祝
禱之事又主死喪哭泣 郝萌曰虛星不明則天下旱
甘德曰虛星搖動則有井田之法 武密曰虛星體
靜而明則天下安寧 陶隱居曰虛星欹斜上下不
比則享祀失禮 禮緯稽命徵曰禮得其宜則虛
危有德星見也主哭泣死喪墳墓 郝萌曰將有哭

星集卷十八

二十

泣墳墓之事占於虛也 石申曰虛星欹斜上下不正

即享祀不恭 甘德曰虛星動將有喪

虛宿所管星

天壘城

哭星

人星

車府

西頭
三星

壘壁陣

西頭
三星

日蝕虛宿占

天文錄曰日蝕虛戒之在於主市租稅及繒帛器物

刀劔金玉之臣 天文摠論曰日蝕虛其國有憂

武密曰日蝕在虛其邦有喪

日暈虛宿占

天文摠論曰日暈虛則丞相下獄 石申曰日暈虛
民饑 武密曰日暈虛后妃多死喪

月蝕虛宿占

天文錄曰月蝕虛主刀劔衣履金玉之臣當有黜者
李淳風曰月蝕在虛其邦有喪改服 武密曰月蝕
在虛劔官有憂

月暈虛宿占

天文錄曰月暈虛宿有兵謀若風起即不成 天文
摠論曰月暈虛宗臣有誅不爾豕宰有黜者
陶隱居曰月暈虛兵動民饑

月犯虛宿占

天文錄曰月犯虛其國有憂有將死月變於虛有土
功之事又曰在外軍饑 天文摠論曰月犯虛主兵起
有陵廟事 河圖帝覽嬉曰月犯虛空邑復起

郝萌曰月犯虛其國有憂將軍死若月變於虛
有土功事軍在外民饑一日飛虫多死 荊州占曰
月犯虛宗廟兵動

歲星犯虛宿占

天文錄曰歲星入虛則土功事犯圍乘守虛宰相
有誅必有德令 天文摠論曰歲星經虛宿其色
潤澤則齊地有獻美女不爾彼國自納

石申曰歲星守虛昭穆失序民多饑荒若歲星

乾象十八

二十四

與填星同守虛為陰陽失序水旱不時 海中占

曰歲星犯虛王者改天下民饑 荊州占曰歲星犯

乘守虛東民饑多暴死處虛南宮中雨血若宰

相坐罪處虛西其月少雨處虛北不占 海中占曰

歲星守虛兵大起 郝萌曰歲星居虛歲多水

五穀傷一日將散離士卒亡若歲星逆行則君簡

於祭祀 荊州占曰歲星守虛七日巳上有起宗廟

修陵事 甘德曰歲星失色守虛王者改服

武密曰歲星經虛齊國貢美女若歲星留二十日
不下有立諸侯六十日不下國有死將百日不下改
年號 李淳風曰歲星守虛君臣散離

春秋魯襄公二十八年歲星失次淫于玄枵中五度
在虛為蛇乘龍是年歲星行虛下龍為壽星宋
鄭之分野梓慎占曰蛇乘龍宋鄭當饑裨竈占曰
周王及楚子皆卒以虛衝午午為張翼周楚之分
野二人占各不同而皆有驗

熒惑犯虛宿咎

天文錄曰熒惑入虛國王有大事大赦天下賞賜
諸侯守一百二十日已上王者益地將有慶賜受爵
封者 天文摠論曰熒惑守犯入虛中七月則齊王
憂不爾豕宰凶 陶隱居曰熒惑守虛則糴貴
石申曰熒惑守虛早災女子多厄萬物不成有土
功天子自將兵若入虛中三月齊王死入旬相死不死
走出 郝萌曰熒惑入虛逐功臣一日牛馬車貴

荊州占曰熒惑入虛天下有變諸侯有死者

黃帝占曰熒惑入虛左右恐失火陳卓曰熒惑在虛
東早在虛南楚地早在虛西濟南廬江早在虛
北遼西早甘德曰熒惑在虛人民有憂 黃帝占曰

熒惑守虛大旱五穀貴 陳卓曰熒惑犯虛流
血滿野 郝萌曰熒惑入虛成勾己大人憂戰不

勝 李淳風曰熒惑守虛民饑將軍叛

晉惠帝永寧二年十一月熒惑闔于虛占曰大兵起

乾象大

七本

破軍殺將虛齊之分初齊王囧之京都因留輔政遂
專傲無君是月成都河間檄長沙王又討之囧又
交戰攻焚宮闕固兵敗夷滅

填星犯虛宿占

天文錄曰填星守虛則旱多風粟價貴 天文摠
論曰填星守犯入虛中有赦德令行 郝萌曰填
星入虛天下大虛 巫咸曰填星入虛有兵災五
穀不成 海中占曰填星守虛人多不安多妖言

郝萌曰填星守虛大臣欲危宗廟若逆行虛其君簡祭祀又曰填星未當虛而至者國有客兵不當至虛而至者其國有兵 郝萌曰填星逆行虛者天下諸侯血食盡罷 武密曰填星出入守犯虛當有急令若星逆行疾當有客兵斧鉞用 石申曰填星守虛風雨不時大旱多風米貴 李淳風曰填星入虛大人憂天下虛政亂 李佺曰填星守虛有客兵不過五日

太白犯虛宿占

天文錄曰太白出虛九十日則大赦入虛天子以微誅出入留舍五十日不下則其國君有小災 天文摠論曰太白守犯虛則天下多孤寡 海中占曰太白出虛政急大臣有謀 郝萌曰太白入虛大臣多就獄者 又曰多土功民流犯虛軍起 荊州占曰太白芒角守虛大臣謀君 武密曰太白犯虛大喪有兵 陶隱居曰太白守虛政急有兵

後魏太延二年十月癸巳太白犯虛占曰有兵喪五年九月螭螭犯塞京師大駭恭宗命長孫道生而擊之

辰星犯虛宿占

天文錄曰辰星犯虛其邦多水災辰星在虛東春有水在虛南夏有水在虛西秋有水在虛北冬有雷雨水 海中占曰辰星犯虛春旱秋水五穀不成 郝萌曰辰星犯虛大水出民無所居 石申占曰

乾象十八

主人

辰星守虛水災萬物不成 李淳風曰辰星犯虛其邦多水政令急若守虛角動色青臣有欺君者有兵喪於國內

客星犯虛宿占

天文錄曰客星入虛中三日環繞之有大赦期七十日色青黑有哭泣事赤色糴貴 武密曰客星入虛有井田之法改制之事 李淳風曰客星入虛色白為弊客來者出虛大臣亂兵大起其國有喪

詩緯合文嘉曰宮室得禮則虛危有德星應又
曰居喪以禮則德星見虛危 黃帝占曰客星入
虛軍在外大饑將離卒散 郝萌曰客星犯虛糴
貴若出入虛天子自將兵又曰出虛君使人之諸侯
石申占曰客星守虛兵革動 陶隱居曰客星
守虛其分有兵疫若凌犯環繞成勾己國亂有
兵 郝萌曰客星守虛色青黑有告喪者
李淳風曰客星守虛兵起近期一年遠二年

武密曰客星守犯虛當有哭泣事

漢安帝永寧元年客星守虛占曰有喪明年鄧
太后崩兄弟鄧騭等七侯皆自殺

彗星犯虛宿占

天文錄曰彗星干犯虛其國凶出虛則天子自
將兵於野 天文摠論曰彗星出入虛有兵起
陳卓曰彗星出虛其國野戰流血 甘德曰彗
星犯虛其國亡 郝萌曰彗星犯虛有哭泣之事

荆州占曰彗星犯虛宗廟兵起 武密曰彗星
見虛有兵喪芒炎所指國必亡 陶隱居曰彗星
犯虛其國分有兵人相殺 李淳風曰彗星犯虛國
有叛臣

晉惠帝永康二年四月彗星見虛占曰齊有兵喪
是時齊王囧起兵討趙王倫囧擁兵不朝專權之應
李星犯虛宿占

天文錄曰李星犯虛有哭泣之事其國憂

乾象六

三十

天文摠論曰李星出入虛有兵起 武密曰李星
出虛其野大戰流血 李淳風曰李星出虛其
國有叛臣

流星犯虛宿占

天文錄曰流星入虛中其分人有大憂相賊出虛
則貴人求鑿藥 天文摠論曰流星入虛色黃
有來受賜者出虛則有大臣出使四方 武密曰
流星入虛色青有哭泣事色黃白有受賜者又曰

流星出虛有重臣出使 海中占曰流星光潤出入虛冢宰有
其下 乙巳略例占曰流星光潤出入虛冢宰有
賞賜天子有德令若色黑出入虛冢宰臣死或有
黜者

雲氣犯虛宿占

天文錄曰蒼氣入虛哭泣在內出虛禍除赤氣入虛
有火災黃白氣入虛天子以喜祀於宗廟出虛享
氣也 天文摠論曰黃雲氣入虛人君有喜慶

乾象十八

三十一

鄰萌曰白氣入虛有無弊客來者黑氣入虛有水憂

危宿占

墳墓四
星附

傳曰危三星主天府一曰天市主架屋受藏之事

鄰萌曰將有蓋屋之事占於危也

其餘所主
皆與虛同墳墓

四星屬危下凡積土大者曰墳小者曰墓所以封棺
擲也其星主死喪哭泣之事 武密曰墳墓四
星主兆域以明族葬之禮以立封丘之度大夫之
守也 石申曰墳墓四星在危下主山陵悲慘事

星暗小失本位不見即山陵毀敗星讚曰墳墓四星
主悲泣也 邾萌曰危星不明客有誅者

黃帝占曰危星卒動不明帝作宮殿有土功

甘德曰危星動有架屋事 石申曰危星主宗廟

星動惑暗天子作宮室有兵事 陶隱居曰危星

主宮室祭祀動而暗天子行宮有土功事

危宿所管星

蓋屋

虛梁

泣星

集卷八

三十一

天錢

墳墓

杵星

曰星

車府

東四
星

騰蛇

西十
六星

土公吏

北落師門

天綱

敗曰

壘壁陣

中四
星

羽林

西六
星

斧鉞

日蝕危宿占

天文錄曰日蝕危戒之在於主市租稅及繒帛器物

刀鈞金玉之臣 天文摠論曰日蝕在危主陵廟摧

武密曰日蝕在危有哭泣事

李淳風曰日

蝕在危有大喪君臣改服 陶隱居曰日蝕在危宮
殿摧有叛臣天下改作

日暈危宿占

天文摠論曰日暈危其邦有喪一云其下當有廢立

月蝕危宿占

天文摠論曰月蝕危其分有兵喪不爾大臣憂

李淳風曰月蝕在危刀劔官憂衣履金玉之臣有

黜 武密曰月在危蝕有喪大臣薨 陶隱居曰

月蝕危宮殿摧大臣叛

月暈危宿占

天文錄曰月暈危有兵一曰軍敗 武密曰月暈危

先用軍者必敗 李淳風曰月暈危有喪

陶隱居曰月暈危人多病死 郝萌曰月以正

月暈危民去其室

月犯危宿占

天文錄曰月犯危其國有憂軍將死月行入若犯

危有哭泣事

天文摠論日月守犯危大臣憂

石申曰月入危中宮殿陷大臣逆 郗萌日月行入

危有哭泣事又曰將軍死一日民多死 河圖帝

覽嬉日月犯危治樓臺屋室者多 陶隱居曰

月入危天下亂來年大饑 武密日月犯危有大

喪天下改服又日月在危有變將有哭泣死喪墳

墓動衆之事

乾象十八

三十四

石申日月犯危來年米貴兵亂

歲星犯危宿占

天文錄曰歲星入危政在臣下 天文摠論曰歲

星犯危天雨血 武密曰歲星舍危多盜賊人民

相惡 晉書曰歲星犯危有兵一日危齊分也守危

僞役煩多下屈竭 荊州占曰歲星入危三月已上

有受爵土者 甘德曰歲星守犯危諸侯天子更

宮室民多土功有哭泣事又曰歲星守危國有兵憂

巫咸曰歲星守危僇伐煩賦斂衆下屈竭莫能
供一日多盜賊人民相惡 荆州占曰歲星守危七日
已上去之四尺王者治宗廟高宮闕 石申曰歲星
守危祠祀不恭主哭泣事更造宮室人勞土功

晉惠帝永寧元年七月歲星守危占曰齊分有兵
饑徭役二年齊王固定京都因留輔政遂專恣無
君是月成都河間檄長沙王又討之固又交戰攻
焚宮闕固兵敗夷滅太安二年成都攻長沙於

卷八

三十五

是公私饑困百姓力屈

熒惑犯危宿占

天文錄曰熒惑入危中三月齊王死八旬相死干犯
出走 黃帝曰越亡地 郗萌曰天下有變更之令
又曰入天府天子治府事 荆州占曰若入危留守三
十日若九十日東方有兵起歲旱不熟糴貴

天文摠論曰熒惑犯守危有大赦守下星大臣死
守中星諸侯亡守上星民多死 武密曰熒惑舍

危天子賜諸侯又曰熒惑出入留舍危其國繕城郭而兵起一曰大臣爲亂 石申曰熒惑守危人多疾兵動久守不去近臣叛 李淳風曰熒惑守危諸侯謀叛若守上星爲人民死守中星諸侯死守下星大臣死各期一百八十日 巫咸曰熒惑留危群臣不恭祭祀 甘德曰熒惑守危大國有憂人民爲變天下大疫 海中占曰熒惑守危春旱秋澇 陳卓曰熒惑守危宮中多火災 李佺曰熒惑入危兵起

填星犯危宿占

天文錄曰填星守危則旱五穀不實民多疾有土功事犯危其分大戰逆行危則齋戒不謹

天文摠論曰填星守危五日已上天子好畋獵

郝萌曰填星出入留舍危其國破必有流亡若未

當至而至者其國有客兵當去不去其國用兵

陳卓曰填星犯守危其國大戰工匠用 甘德曰

填星犯守危皇后憂兵喪並起 陶隱居曰填
星守危祠祀不恭有哭泣事天子更造宮室人勞
土功 石申曰填星守危有土功旱災兵起
武密曰填星入危大亂賊臣起若出入留舍危其
國亡地必有流血又曰填星守危天子弋獵天下儉
兵水並起一曰填星守墳墓人主有哭泣之聲

太白犯危宿占

天文錄曰太白犯危有兵起出入留舍危天下有急

事兵且大起加於齊國守危則旱多火災民多癰
疽之疾 天文摠論曰太白守危一尺已內則諸侯
無忠者以讒言相謗有黜 郗萌曰太白守犯大
臣謀主政急若太白與危鬪不出其年有叛臣
巫咸曰太白犯危無兵兵起有兵兵罷五穀不成
多火災 石申曰太白守危將軍有憂 陶隱居
曰太白守危兵罷將軍有喜 武密曰太白守
危去之一尺諸侯無忠以讒言相謗或有黜者

李淳風曰太白犯守危天下有急事兵起國憂
有兵加齊國 李佺曰太白守危兵起

後魏正光二年十一月辛亥太白犯危占曰兵起是年
十二月庚辰東益南秦氏反詔中軍將河間王琛討之
辰星犯危宿占

天文錄曰辰星犯危姦臣謀主守危多水災糴貴
天文摠論曰辰星守危其分有喪大臣戮少守則
皇后憂疾 荊州占曰辰星犯乘守危天下亂

甘德曰辰星守犯危大臣被刑法官有憂其國多
災 郗萌曰辰星守犯危其國破 石申曰辰
星守危臣下謀叛水災 陶隱居曰辰星守危下
臣謀亂法官有憂 武密曰辰星守危皇后憂
疾病兵喪並起

客星犯危宿占

天文錄曰客星入危有土功守危則諸侯有憂
天文摠論曰客星出危多雨水五穀不登

荆州占曰客星守危王侯有薨者一日王者起宮
室有土功 郗萌曰客星入危三日有赦 陶隱
居曰客星守危有立王侯 石申曰客星守危國
敗米貴饑荒 李淳風曰客星犯危有哭泣
事一曰多雨水五穀不收若入危有土功王者築
宮室不出一年

魏明帝景初二年十月客星見危占曰有兵喪至
三年正月帝崩齊王芳改元正始至二年五月吳將

卷之八

十一

朱然等圍襄陽之樊城太傅司馬宣王率衆拒之
彗星犯危宿占

天文錄曰彗星出於危糴貴有大水犯危其國有
叛者兵起大將出軍 石申曰彗星干犯危其下
有叛臣 陶隱居曰彗星犯危其國數兵起
李淳風曰彗星出危將軍出國易政大水民饑期
三年

隋文帝開皇十四年十月癸未彗星出于危占曰

大臣死其後有魯公虞慶則伏法

孛星犯危宿占

天文錄曰孛星干犯危其國有叛者兵起大將軍
出 武密曰孛星犯危其國有叛者

石申曰孛星犯危國叛兵起

流星犯危宿占

天文摠論曰流星入危其下不安下欲謀上不出半

年 李淳風曰流星犯危祭祀事動春夏犯水

災溝洫嶮秋冬犯口舌大起 武密曰流星入危下

謀上若抵危北狄交兵 陶隱居曰流星抵危天

下不安 乙巳略例占曰流星黃潤出入危天下人民

安五穀熟土功興若流星色黑出入危天子太廟

祖陵有水事一曰大臣災

雲氣犯危宿占

天文摠論曰蒼白雲氣入危有土功蓋屋大造宮
室之事青雲氣入危國有憂黑氣出危下有水



景祐乾象新書室壁奎婁四宿占卷第十九 美說

營室

營室占

營室所管星

日蝕營室占

日暈營室占

月蝕營室占

月暈營室占

月犯營室占

歲星犯營室占

熒惑犯營室占

填星犯營室占

太白犯營室占

辰星犯營室占

卷第十九

一

客星犯營室占

彗星犯營室占

孛星犯營室占

流星犯營室占

雲氣犯營室占

壁宿

壁宿占

壁宿所管星

日蝕壁宿占

日暈壁宿占

月蝕壁宿占

月暈壁宿占

月犯壁宿占

歲星犯壁宿占

熒惑犯壁宿占

填星犯壁宿占

太白犯壁宿占

辰星犯壁宿占

客星犯壁宿占

彗星犯壁宿占

孛星犯壁宿占

流星犯壁宿占

雲氣犯壁宿占

奎宿

奎宿占

奎宿所管星

日蝕奎宿占

日暈奎宿占

彗星占

二

月蝕奎宿占

月暈奎宿占

月犯奎宿占

歲星犯奎宿占

熒惑犯奎宿占

填星犯奎宿占

太白犯奎宿占

辰星犯奎宿占

客星犯奎宿占

彗星犯奎宿占

孛星犯奎宿占

流星犯奎宿占

雲氣犯奎宿占

婁宿

婁宿占

婁宿所管星

月蝕婁宿占

日暈婁宿占

日蝕婁宿占

月暈婁宿占

月犯婁宿占

歲星犯婁宿占

熒惑犯婁宿占

填星犯婁宿占

太白犯婁宿占

辰星犯婁宿占

客星犯婁宿占

彗星犯婁宿占

孛星犯婁宿占

流星犯婁宿占

雲氣犯婁宿占

營室占

傳曰營室二星天子之宮也一曰清廟為軍糧之府主
土功事一曰室二星一星為天子宮一星為太廟亦為
王者三軍之廩故置羽林以衛無芒不動天下安故
有離宮六星在其側 爾雅曰營室謂之定星周
詩曰定之方中作于楚宮此之謂也 黃帝占曰營
室明則國昌 甘德曰營室動則有土功事

郗萌曰將有土功占於營室若營室不明則禱祠
不恭鬼神不饗一曰營室東壁四星為四輔也欲其

正中有二星二舍也欲其實正由方也 實其傍 多小星

荆州占曰四輔不正則輔臣不忠越職賣權二舍不

實則宮女出入不常嫡媵相踰後宮有怨 武密

曰室星無芒角不動則天下安 天文摠論曰離宮

者天子別宮也主藏隱休息遊幸之所其星動搖

皆為土功之事 郗萌曰離宮不具憂子孫

陶隱居曰營宮二星主軍士之糧其星明則國昌

動搖則兵出

室宿所管星

雷電 霹靂 雲雨 離宮 造父

騰蛇 東六星 壘壁陣 東五星 羽林軍 東二十三星 八魁 西四星

日蝕營室占

天文錄曰日蝕室有兵起 天文摠論曰日蝕在室

人君戒出入外戚專權一曰日蝕室有軍絕糧士卒

亡 武密曰日蝕室國君憂 石申曰日蝕室中王者將兵 陶隱居曰日蝕室出兵不復

日暈室宿占

天文摠論曰日暈室其國憂 武密曰日暈室後

宮女主黜

月蝕營室占

天文錄曰月蝕營室則陰道數傷不能化生一日有黜削之罪 天文摠論曰月蝕在室有土功事

見果十九

五

石申曰月蝕營室歲饑又曰掖廷女工倦

月暈營室占

天文錄曰月暈室寡婦嬰兒多死其地有謀不成 一日有水災 天文摠論曰月暈室有蠻夷來朝

中國 李淳風曰月暈室有大風起

月犯營室占

天文錄曰月犯室宗廟毀宰相憂月變於室大臣為亂兵在外敗 武密曰月犯室土功興有哭泣事

天文摠論曰月在室有變國有憂亡地若犯室王者自將兵若月宿離宮君寢卧數移徙易居之義宜脩文德設武備以禳之若月奄室有土功事

歲星犯營室占

天文錄曰歲星入室中天下男子受爵祿一曰有慶賜之事舍營室南則春食賤處其西則牛馬賤處其東有喜處其北則民多憂舍室則

年表九

六

赦其去陽之陰天下盡喜牢中虛 天文摠論曰

歲星犯室在陽則陽有急事在陰則陰有急事守室人君有賞讌事當有爵祿行及天下處

室東則有赦令 武密曰歲星守室則人君有

德者得地歸與民爵 海中占曰歲星舍室東

民多死舍室北民多憂 荊州占曰歲星處室東

有喜 郝萌曰歲星出入留舍室八十日不下其地

半動 石申曰歲星守室主造宮室土功興兵滿

野又曰歲星守室宮中多火災人君不安一日歲星犯室國有軍得地歸與民爵 巫咸曰歲星守室民多疾病 郝萌曰歲星逆行室其君用兵不時其軍不還 李淳風曰歲星守營室民多疾病 陶隱居曰歲星在室南室東有喜事在室北有憂在室西米貴

晉成帝咸康三年十一月乙丑歲星犯營室占曰為兵饑四年二月石季龍破幽州遷萬餘家以南

東果十七

七

熒惑犯營室占

天文錄曰熒惑入室齊國有兵不若民死歲旱不收出入留舍室中者有客來欲見君歲多土功 天文摠論曰熒惑犯室賊人為役也 武密曰熒惑守室有水災糴貴 李淳風曰熒惑逆行經室則臣謀兵起 甘德曰熒惑入室大臣匿謀 黃帝占曰熒惑入室二十日已上大人失位 荊州占熒惑經室中諸侯相謀若犯乘室諸侯相攻

大戰羅貴 挺佐輔曰熒惑居室兩軍相據當相和有
殃罰 陳卓曰熒惑留室后死一日臣下為賊 正咸曰熒
惑守室早五穀不成多火災 春秋元命包曰熒惑
守室羣妃鬪 海中占曰熒惑守室宮中有病死者一
曰民多疾疫 郝萌曰熒惑入室人君改宮室若留六月
大人憂若入室中成勾己環繞者天子失其宮 陶隱
居曰熒惑守室將軍憂若久守成勾己者主失官棄位
大臣陰謀夏旱米貴兵起若逆守二十日已上至九十日

乾象十九

八

臣亂弑君篡位天子惡之 石申曰熒惑逆行守室臣
謀叛王者衰 李淳風曰熒惑犯室歲不收期十日

填星犯營室占

天文錄曰填星守室國有軍者有爵封及益國
天文摠論曰填星犯室其下有兵出入用斧鉞貴
人憂守室色黃白則女主欲分離賜邑而去者守室
南則君欲賜大臣金帛珍竒久守室大人惡之以赦
令解之吉 郝萌曰填星出入留舍室七十日

不下諸侯不通六十日不下土功大起 巫咸曰填星守室關梁不通操持符節貴人多死

石申曰填星守室天下不安人主徙宮有工匠事
郝萌曰填星守室后有憂若填星逆行室女主
出入恣 李淳風曰填星守室南公主賜金寶
武密占曰填星守室后夫人有憂

太白犯營室占

天文錄曰太白出入留舍營室五十日不下則衛國
且憂守室中期六十日天下金賤 天文摠論曰太

乾象十五

九

白犯室五寸許天子政令不行 武密曰太白守室
有兵兵罷國大喜又曰守室爲大人忌之以赦令
解之 石申曰太白守室大人憂一日太子后妃大臣
有謀若太白乘守勾己逆行往來於室主廢后
妃或有大喪宮人恣於出入 陶隱居曰太白守
室兵革皆散若久守兵車滿野 李淳風曰太
白去室一尺威令不行六十日不下將軍死

李佺曰太白入營室有暴兵

晉孝武帝寧康二年十一月癸酉太白犯營室占曰
爲兵喪太元元年七月苻堅伐涼州破之虜張天錫

辰星犯營室占

天文錄曰辰星入室多水災五穀不成 天文摠論

曰辰星犯守掩蔽室其分被水灌城池 黃帝

占曰辰星入室天下兵乘水欲攻諸侯之國

鄰萌曰辰星入室后有憂一曰有大喪僇役起

卷第十九

又曰辰星守室北關梁不通 陶隱居曰辰星守

室有水災 李淳風曰辰星守室諸侯發動於

西北

客星犯營室占

天文錄曰客星入室諸侯有來使者出室君使人
往諸侯色赤皆言兵色白言義色黃言土功色青
言憂色黑言凶 天文摠論曰客星順行入室有
德令若逆行入室大人惡之 禮緯含文嘉曰宮

室得禮則室有德星應 巫咸曰客星入室天
子有兵事 海中占曰客星入室有軍軍中饑
將離士散 郝萌曰客星入室有外夷兵進一曰
其國作宮室多土功事匈奴有兵來若客星出
室城郭有壞者 甘德曰客星守室有軍者
客降主人得地 荊州占曰客星守室有陰水垣
墻無堵 陶隱居曰客星守室若有軍出則失
兵 石申曰客星出室兵先起者敗

漢桓帝延熹四年五月辛酉客星出營室順行
生芒長五尺占曰客星在營室為大喪後四年鄧
后以憂死

彗星犯營室占

天文錄曰彗星出營室國亂彗星見室中後宮
且有亂一曰有德令 天文摠論曰彗星出入室
而又犯之先起兵者勝必有亡地大將戮
甘德曰彗星犯室先起兵者弱不可戰必亡地

荆州占曰彗星守室兵動不戰牛馬驚 石申
曰彗星出室先出兵者敗 李淳風曰彗星出
室有大水

漢順帝永和六年二月彗星出營室營室者天
子常居彗星起而在營室不出五年天下有大
喪後四年孝順帝崩

孛星犯營室占

天文摠論曰孛星出入室而又犯之先起兵者

漢書卷一百一十九

十一

勝必有亡地大將戮 天文錄曰孛星出室有

水災 李淳風曰孛星見室中後宮亂一曰有

德令 郗萌曰孛星出室人民多疾疫 陶

隱居曰先起兵者弱不可戰必敗 武密曰孛星
出室有兵喪

流星犯營室占

天文錄曰流星赤黃大而出室中其國貴人憂
天文摠論曰流星犯入室有使自外邦入來者色

赤言兵色黃言土功色白言義色青憂色黑凶
武密曰流星出室有使出 李淳風曰流星犯室
軍事乏糧春夏犯室師將貶職秋冬犯室水溢
決土功興 乙巳略例占曰流星黃潤出入室軍糧
豐五穀成一曰天子欲於太廟行禮庫藏金玉出
賞臣下國安民樂

後周宣帝大象元年六月己丑有一流星大如斗色
青有光照地明出營室南流十二月帝親御驛馬
日行三百里皇后及文武侍衛數百人並馳駟此
宣帝亂道德馳車騎將亡之誠

雲氣犯營室占

天文錄曰黃氣入室土功事黃白氣潤澤入室中
諸侯王若有來者出室中天子使於諸侯皆言
廟事 天文摠論曰蒼白氣入室大人惡之赤氣
出入室有兵起雜雲氣在室中民有暴疾
武密曰黃氣入室土功事黑氣入室大人憂

郝萌曰有氣潤澤如日月見室男子之祥

壁宿占

傳曰東壁二星主文章天下圖書之祕府也

黃帝占曰壁星失色大小不同則王者好武經術

不用圖書隱藏天下成愚 石申曰壁星明大則

王者明道術興國多君子 甘德曰壁宿動則有

土功事 郝萌曰壁星離徙作治田就聚則以田

宅為憂 陶隱居曰壁星明則王道興君子在

星象十九

十四

位星暗則王道衰小人得用也

壁宿所管星

土公八魁

東五

王良

西一

外屏

西一

天廡

日蝕壁宿占

天文錄曰日蝕在壁王者不從師友失忠孝文

章圖書不用賢者 天文摠論曰日蝕壁男女

多疾敗王者禮節不行君惡之以赦除之 李淳

風曰日在壁蝕則陽消陰壞男女多傷一曰王者失

孝不從師友虧文章損德教禮樂廢 陶隱居
日日蝕東壁國不用賢

日暈壁宿占

天文摠論曰日暈壁人君廢賢邪佞進一曰名士憂
武密占曰日暈壁名士當憂

月蝕壁宿占

天文錄日月蝕壁其國大臣憂 天文摠論日月蝕
壁陰道虧損文章士廢女主有憂 石申日月蝕

卷之二九

十五

東壁文章不用近臣有憂 武密日月蝕壁有
文章者執一曰陰道毀傷女主黜 李淳風日月
蝕在東壁及在壁有變大人為亂民多疫一曰乳
婦多死

月暈壁宿占

天文錄日月暈壁有土功事民流亡月暈三重
國動兵不戰 天文摠論日月暈壁風雨至寡
婦多死賢士憂庫藏多火災 武密日月暈壁

風起大水 石申曰月暈壁其分有憂

月犯壁宿占

天文錄曰月犯壁人多死其國有憂有土功事
天文摠論曰月犯壁若有變則其年多損孕婦
憂兵在外近臣有憂者月宿壁為晦暝不爾有
風雨 郝萌曰月宿東壁不雨則風 河圖帝覽
嬉曰月犯東壁大亂民多死 海中占曰月犯東壁
其國憂 郝萌曰月變於壁軍在外有大驚近

臣去 武密曰月犯東壁為饑衛地有兵

歲星犯壁宿占

天文錄曰歲星犯壁五穀以水傷守壁天下大赦王
者有堯舜之治四海同心又曰王者好文文章天下
舉用文士 天文摠論曰歲星久守凌犯勾己壁
有兵起一云夷狄侵擾國人 石申曰歲星守壁
國用賢人天下太平 郝萌曰歲星出入留舍東壁
民流亡留三十日不下五穀貴若逆行東壁其君

決獄不以時教令不明 陳卓曰歲星守東壁有赦 武密占曰歲星犯東壁夷狄兵起

熒惑犯壁宿占

天文錄曰熒惑守壁光明潤澤大吉入壁則大臣憂出壁則穀貴民流亡 天文摠論曰熒惑犯壁衛地有憂不爾相凶有出守乘凌而入壁有兵起兼有土功事 石申曰熒惑守壁其國旱民饑賢臣不用又曰近臣謀君內外相譖賢臣不用

挺佐輔曰熒惑居東壁兩軍相據當相和不相和有殃罰 郝萌曰熒惑留守東壁二十日不下賊臣起期十月三十日不下穀貴民饑一日憂失火民疾疫 巫咸曰熒惑守東壁歲不熟 陳卓曰熒惑守東壁王者有火災 李佺曰熒惑出東壁夷狄兵起

填星犯壁宿占

天文錄曰填星守壁圖書興國主延壽天下豐平出入留舍壁有土功事 天文摠論曰填星守壁遠國

有來獻珍奇者 石申占曰填星守壁天下豐熟
國用賢人 郝萌曰填星出入留舍東壁九十日不下
帝王興 荊州占曰填星舍東壁文章士進用
巫咸曰填星守東壁萬物不成民多病 郝萌曰
填星逆行東壁女主干政 武密占曰填星逆行東
壁成勾己者其國有大土功事六十日不下天下有立
王者

太白犯壁宿占

天文錄曰太白守壁國有軍不戰大臣嚮正又曰
早武士術士用 天文摠論曰太白犯壁一二寸許
則諸侯用命又曰其分有憂 石申曰太白守壁
有水災多風雨 武密占曰太白守東壁文武並
用一曰天下有軍不戰 陳卓曰太白守犯東壁
有喪 巫咸曰太白犯東壁多火災 李淳風曰
太白守東壁有兵喪 李佺曰太白犯東壁有兵
辰星犯壁宿占

天文錄曰辰星守壁其分有喪兵革起 天文
摠論曰辰星犯壁王者刑法急犯守乘凌而入
壁臣下有謀不成 石申曰辰星守入壁則近臣
有憂 陳卓曰辰星犯東壁國有蓋藏保守之
事 荊州占曰辰星逆行守東壁橋梁不通
武密占曰辰星守東壁姦臣有謀

客星犯壁宿占

天文錄曰客星入壁多土功歲有水諸侯相謀守
壁則牛馬多死又曰歲有風雨 天文摠論曰客星
色赤出壁其下大臣有憂 荊州占曰客星犯東
壁文章者死一日有大喪津梁不通 黃帝曰
客星入東壁諸侯相謀色黃白歲多風雨水潦
鄰萌曰客星舍東壁牛馬多死一日后族執政

彗星犯壁宿占

天文錄曰彗星干犯壁其國兵起有火災 陶隱
居曰彗星犯東壁兵起水災 武密曰彗星犯東

壁其國有兵火起宗廟 荆州占曰彗星犯東壁
文章者死一曰有大水民流 李淳風曰彗星犯
東壁廟堂有兵

孛星犯壁宿占

天文錄曰孛星犯壁其國有兵 天文摠論曰孛
星犯出壁其分有火災 武密占曰孛星犯東壁
其國兵起火災 李淳風曰孛星犯東壁兵起宗
廟壞 陶隱居曰孛星犯東壁兵起水災

流星犯壁宿占

天文錄曰流星犯壁文章廢使星從西壁入東壁
人主用故臣 武密曰流星犯東壁文章者死
乙巳略例占曰流星色黃白溫潤出入東壁天下文
章士用天子好道賢臣在位遠國來賓

宋孝武帝大明六年五月有流星前赤後白大如
甌長十餘丈出東壁占曰有兵天下喪亂後三年
帝崩于玉燭殿

雲氣犯壁宿占

天文錄曰蒼白氣入壁其分憂喪赤氣出壁為兵黃
氣入壁立王侯青氣入壁其分憂黑氣入壁有水災
天文摠論曰黃氣入壁外國來貢期一年赤雲光
潤入壁天子有言宗廟事 陳卓曰黃氣入東壁
天下有烈士立 武密曰赤雲氣入東壁有兵起
黑雲氣入東壁其下國破黃白氣入東壁外國有
來貢獻者

奎宿占

傳曰奎十六星天之武庫也一曰天豕一曰封豕主
兵所以禁暴橫也又主溝瀆 郗萌曰將有溝瀆
之事占於奎也其西南大星所謂天豕目亦曰大將
占欲其明吉 黃帝占曰奎星芒角動搖則國有
兵不出年中 荊州占曰奎中星明者則大水

奎宿所管星

外屏 天溷 天倉 土司空 鈇鑕 天廩

王良 東四星

策星

附路

閣道

右更

日蝕奎宿占

天文錄曰日蝕在奎魯國凶 天文摠論曰日蝕奎其分君不安 武密占曰日蝕奎邊境之臣起兵 京房占曰日蝕奎三公與諸侯相賊又曰三公失國後旱且水

日暈奎宿占

天文摠論曰日暈奎府庫有火災一曰魯國君不安不爾被黜者 陶隱居曰日暈奎其下有兵大人多死

月蝕奎宿占

天文摠論曰月蝕奎大將死兵乏糧月蝕奎其分兵喪不爾大臣有黜者 武密占曰月在奎蝕聚斂之臣有憂 陶隱居曰月蝕奎大臣有憂海中占日月蝕奎大將戰死軍乏食

月暈奎宿占

天文摠論曰月暈奎用兵必敗糴貴將有戮者

武密日月暈奎年有祆 石申日月暈奎人多疾

疫 天文錄日月暈奎祆星出大將戰死又曰魯

國憂其地疾疫 陶隱居日月暈奎其下有兵

大人死

月犯奎宿占

天文摠論日月犯奎貴人憂將有溝瀆之事一云

月入天庫有兵 天文錄日月犯奎其分亂人不

皇象九

天三

安又曰大水有邊兵 武密日月犯奎大星乳婦

多死其分大人憂 郝萌日月犯奎邊兵不安

陳文帝天嘉五年正月甲子月犯奎占曰人主惡

之後二年四月帝崩葬永寧陵帝常令雞人夜投

更籤於石階之上令驚覺眠寢

歲星犯奎宿占

天文錄曰歲星入奎其分有匿謀期一年又曰以饑
起兵居奎五穀以水傷處奎中有土功事舍處奎

東糴乍貴乍賤處其南春食賤處其西夏食貴處
其北民有憂。天文摠論曰歲星守入奎其年五穀
以蟲爲災久守奎北狄來降。武密曰歲星逆行
入奎而守之其君好攻戰兵甲不息人民流亡不安
其居。黃帝占曰歲星守奎北夷來降。石申曰
歲星守奎大饑。甘德曰歲星守奎其國道興王
者至仁忠臣並進。海中占曰歲星守奎色潤澤
大熟若逆行奎早執法吏多死牛馬賤。郝萌曰
歲星守奎多獄訟若逆行奎其君好攻戰。陶隱
居曰歲星守奎留三十日已上天下盜興若入奎中有
匿謀者亡。石申占曰歲星犯奎近臣爲逆。
李淳風曰歲星守奎二十日已上有兵起於魯地。
宋孝武帝大明元年二月癸亥歲星犯奎占曰有滅
諸侯三年皇弟竟陵王誕據揚州反遣沈慶斬之
貶其族爲流民。

災惑犯奎宿占

天文錄曰熒惑入奎中三日魯主死經旬相死 荆
州占曰熒惑舍奎歲大熟 甘德曰熒惑守奎搖
動進退有赦 天文摠論曰熒惑犯入奎環繞三
十日已上將相凶又曰其分有水人流亡 武密占曰熒
惑守奎二十日已上魯地有兵又曰熒惑守奎其分
作祲孽 文耀鉤曰主偏僮不決斷則熒惑久守
留奎 郗萌曰熒惑留奎臣下專權多獄訟關梁
不通若熒惑以二月守奎百日已上則多盜一日女子
多死 黃帝占曰熒惑守奎農夫不得耕 陳卓
曰熒惑在婁逆行至奎有兵 石申占曰熒惑守
奎多疾疫不宜婦人

填星犯奎宿占

天文錄曰填星出入留舍奎其國亂不爾有德令
天文摠論曰填星入奎者齊魯有兵出奎有善令
變色入奎有僞令來者若出奎有迫令出使者退
行奎天子誠在邊境不可用兵遠出而戰 武密

日填星入奎吳越有兵 石申曰填星守奎貴女執政若星出奎中其國兵起 郗萌曰填星入奎有兵喪若逆行奎女主出入不時一日女主為賊 甘德曰填星守奎有貴女攝政一日有女喜事 黃帝占曰填星守入奎有名者多死 巫咸曰填星入奎有兵災 陶隱居曰填星守奎貴女執政若出入奎中者水泉溢 李佺曰填星入守奎有邊兵

太白犯奎宿占

天文錄曰太白入奎兵起西方又曰出入留舍奎兵起犯守奎外兵來有兵不戰大霜物不成又曰有赦 天文摠論曰太白犯入奎大水不出百八十日 武密曰太白守奎徭役大起國有匿謀 石申占曰太白守奎兵起不戰而退 陶隱居曰太白守奎大水傷五穀不出百八十日有兵起而不成戰 甘德曰太白守奎有大霜 巫咸曰太白守奎萬物不成海中占曰太白守奎以水兵起 郗萌曰太白守奎

有匿謀不出歲一曰有赦 文耀鉤曰太白垂芒守
奎天下奮擊 海中占曰太白守奎出復入糴貴
李佺曰太白入奎外兵入國

晉安帝義熙三年正月太白晝見在奎占曰將相薨
是年八月劉敬宣伐蜀不克而卒

辰星犯奎宿占

天文錄曰辰星犯守奎山水潰溢又曰大臣下獄五
穀不成有兵旱火之災 天文摠論曰辰星犯奎

江河有決 石申曰辰星守奎有水災大人入獄

甘德曰辰星守奎天下多悲 巫咸曰辰星守奎有
兵一曰旱多火災五穀不成 黃帝占曰辰星犯奎

姦臣謀其主 陶隱居曰辰星守奎有水災大人入
獄 武密曰辰星入奎有決洩事 李佺曰辰星
守奎王者有憂

客星犯奎宿占

天文錄曰客星出奎為兵又曰客星舍奎留不去

人饑一日繒帛貴客星犯奎國有溝瀆之事客
星守奎賊臣在側 天文摠論曰客星入奎有破
軍殺將入奎不去有土功事 郝萌曰客星出奎
謀臣有偽惑天子者 正咸曰客星逆行從婁
至奎有兵 荊州占曰客星守奎王者有憂一
日有軍敗若入奎中有溝瀆之事 武密曰客
星入奎邊兵動有破軍殺將 陶隱居曰客星
色赤兵起國君有憂

彗星犯奎宿占

天文錄曰彗星出奎西北有水災 天文摠論曰彗
星犯入奎其分饑 石申曰彗星行犯奎其分兵
動 陶隱居曰彗星犯奎歲饑國君出戰
河圖曰彗星貫奎兵悉出禍在強臣 甘德曰
彗星干奎其年大饑 武密曰彗星干奎有大兵
喪 李淳風曰彗星出奎魯國兵起

晉成帝咸康二年正月辛巳彗星夕見西方在奎

宿占曰有兵喪明年正月石季龍僭天王位四年石季龍伐慕容皝不克

孛星犯奎宿占

天文錄曰孛星出奎西北有兵起 天文摠論曰孛星犯入奎其下有軍出戰 武密曰孛星干犯奎其國民饑 甘德曰孛星犯奎國大饑 李淳風曰孛星犯奎國無繼嗣 陶隱居曰孛星犯奎歲饑軍出戰

十一

晉惠帝元康五年四月有星孛于奎占曰奎爲武庫主魯分孛星主兵喪其後武庫火西羌反賈后廢死魯公賈謚誅明年趙王倫篡位之應

流星犯奎宿占

天文摠論曰流星入奎其下有破軍殺將不則有溝瀆事 李淳風曰流星入奎有溝瀆事於國內 出奎有溝瀆事於國外 武密曰流星入奎有彙衆事 乙巳略例占曰流星色黃白光潤出入奎

中天子以文昌武偃若流星赤如火光炸作聲出
入奎中爲弓弩用

雲氣犯奎宿占

天文錄曰蒼白氣入奎婦人有憂出奎有兵黃氣
入奎中有珠玉寶喜 天文摠論曰赤氣入奎有
受命來者 武密曰黃雲入奎宮女患 郝萌
曰赤氣入奎有兵一曰婦人多病蒼白氣入奎婦
人有喪黃氣潤澤入奎天子有喜黑氣貫奎三
夜不去大人憂

婁宿占

傳曰婁三星爲天獄主苑牧犧牲供給郊祀
天文錄曰婁星主興兵聚衆 郝萌曰將有聚
衆之事占於婁星 甘德曰婁星明則王者郊祀
大享子孫昌臣盡忠 海中占曰天子孝則婁星
明大天下平和其星動則有聚衆事 郝萌曰婁
星明大則賦斂以時其星直則有執主命者就聚

國不安 陶隱居曰婁星色赤小則郊祀失禮

武密曰婁主犧牲季秋大饗於上帝嘗以犧牲告

于宗廟致孝享之禮故曰婁星明動則六樂和

婁宿所管星

天將軍 軍南門 左更 天庾 芻藁

天囷

西五
星

大陵

西三
星

日蝕婁宿占

天文錄曰日在婁而蝕慎之在主邊境廢車之臣

陶隱居曰日蝕在婁郊祀而神不享小臣不忠大

臣憂 武密曰日蝕在婁宰相大臣當之

日暈婁宿占

天文摠論曰日暈婁天下有主錢穀者黜不爾

大臣誅一日宗廟災 陶隱居曰日暈婁其下

有兵大人多死者

月蝕婁宿占

天文摠論曰月在婁宿蝕皇后有憂 天文錄日月

在婁宿蝕爲民饑 石氏日月蝕在婁后妃有憂
陶隱居日月蝕在婁主內有憂 海中占日月蝕在
婁有軍罷不戰

月暈婁宿占

天文摠論日月暈婁公卿當有黜者一日宗臣戮
三日內有雨解之春暈期一百八十日有赦 天文錄
日月暈婁大人死糴貴月以春三月暈婁期一百
六十日赦一月中三暈之百八十日赦 郝萌日月暈

婁糴貴 河圖帝覽嬉日月暈婁軍和解

李淳風日月暈婁宰相相疑五日內有雨事解

月犯婁宿占

天文錄日月犯婁多敗獵事其分憂 天文摠論
日月犯婁宿及有變兵在外不戰而和有聚斂
事人多獄寃 郝萌日月犯婁將軍死民流一日
多寃獄 黃帝占日月變於婁有兵在外下戰
而和 陳卓日月宿婁而多霧

歲星犯婁宿占

天文錄曰歲星居婁天子赦歲星守婁王者承天得度天下安寧又曰守其陰牢獄空天下有慶

荊州占曰歲星入婁其國有聚衆事若有喪多水五穀傷 天文摠論曰歲星守婁有兵自罷

陶隱居曰歲星犯婁牛多死苑囿空春米賤一日天子有德有曲赦 石申曰歲星守婁天下太平

海中占曰歲星處婁東糴一貴賤處婁西牛馬繒帛賤 郝萌曰歲星處婁東金器貴處婁北有奪地

之君 巫咸曰歲星守婁民多疾疫 黃帝占曰歲星守婁六畜大貴 郝萌曰歲星犯婁大饑一日貴

人多獄訟若歲星逆行婁其君決獄不以時 荊州

占曰歲星守婁之陰牢獄空天下有慶賀 武悉

占曰歲星逆行守婁其君任吏斷獄多冤訟宜以赦解之 李淳風曰歲星守婁國有聚衆事

熒惑犯婁宿占

天文錄曰熒惑入婁歲大熟又曰入婁中魯主有憂
其國相死入守婁主有赦令 巫咸曰熒惑守犯
婁多旱火之災五穀貴 武密曰熒惑逆行入婁
成勾己國有災燒倉庫事 又曰熒惑守婁其分
君憂 海中占曰熒惑入婁天子受賀近三十日
遠八月 郝萌曰熒惑舍婁色赤而光明人爲亂
一曰有兵北夷侵邊道路不通若熒惑二月守婁
多山盜 巫咸曰熒惑守婁旱多火災穀貴
甘德曰熒惑守婁有臣不當其位亂政 陳卓曰
熒惑守婁二十日巳上大臣死 石申曰熒惑守婁
婁星動人多死 陶隱居曰熒惑守婁大臣亂政
李淳風曰熒惑守婁民人疾病金銀貴若熒惑逆
行入婁成勾己者國有燔燒倉廩之事若逆行至奎
大兵起臣謀君 武密曰熒惑入婁守之有聚兵衆
事車騎用一曰山林有賊道路不通期一年
晉穆帝永和四年五月熒惑入婁占曰有兵喪其年

石季龍死來年冉閔殺石遵及諸胡十餘萬其後
褚裒北伐喪衆而薨

晉安帝義熙三年二月熒惑入婁占曰婁為徐州分
是時慕容超僭號於齊兵連徐兗連歲抄掠至
于淮泗

填星犯婁宿占

天文錄曰填星守婁五穀豐人民樂天下安犯婁
天子戒邊境不可遠行將兵凶 天文摠論曰填星
退行守婁三十日不下女主出入不時如五十日不下
臣有謀土出入婁百日不下有兵不出二年 陶隱
居曰填星守婁六十日不下用兵三年乃止姦臣謀
叛 荊州占曰填星守婁六十日不下秋有兵一曰旱
禾稼不成若填星逆行守婁三十日不下女主出
入不時一曰女主請謁行 李淳風曰填星留舍婁
外國兵來 李佺曰填星入婁邊兵起
晉安帝義熙三年二月癸亥填星犯婁占曰婁徐州

分是時慕容超僭號於齊兵連徐兗連歲抄掠
至于淮泗姚興譙縱僭號秦蜀盧循及魏南北交
侵其五年劉裕北殄慕容超之應

太白犯婁宿占

天文錄曰太白犯守婁其鄉吉天下和平將軍有喜
又曰赦天子至孝將軍有德令 天文摠論曰太白
犯入婁子歸其母政令和平國有喜慶去婁一尺已
內爵祿貴又曰出入婁兵起 郝萌曰太白犯婁有
聚眾事 黃帝占太白守婁小旱 荊州占曰太白
守婁期三十日有兵民饑豕大貴一曰有火令 李淳
風曰太白出入舍婁秦國發兵必加於魯之城 李徐
曰太白守犯婁將無功

漢順帝永和二年正月太白犯婁占曰有兵為匿謀
夏多水災後帝幸北宮衛尉鄧疊入宮謀反焚燒宮
室尋誅之

辰星犯婁宿占

天文錄曰辰星犯守婁刑罰急多水災大臣憂王者以赦除咎又曰有兵兵罷無兵兵起 天文摠論曰辰星守犯婁若芒動色赤黑臣下有爭訟祿邑而用兵其下多水災 武密曰辰星入婁犯守之王者刑法急大臣憂下獄者 郝萌曰辰星守婁外國之主入御中國 荆州占曰辰星守婁犧牲多死 武密占曰辰星守婁若角動而色赤黑者臣有爭祿邑起兵者 李佺曰辰星守婁有兵起

客星犯婁宿占

天文錄曰客星入婁外夷兵起有聚衆之事又曰糴貴入婁中三日環繞天下大赦期七十日出婁邊戒和客星守婁胡人死 天文摠論曰客星守婁王者憂貴人當之不爾魯地兵起 武密曰客星犯婁國有大兵婁主藏收給享祀之事 荆州占曰客星入婁其國燔燒金銀倉庫虛

郝萌曰客星守婁臣有惑天子奪主之權歲多
獄訟布帛賤 石申曰客星守婁五穀不登一曰胡
人死 陶隱居曰客星守婁社稷不安多火災
彗星犯婁宿占

天文錄曰彗星出婁先旱後水穀大貴六畜疫
又曰彗星犯婁國有大兵 天文摠論曰彗星犯
婁人民饑死 陶隱居曰彗星犯婁兵動 武
密曰彗星出婁五穀不成倉庫空虛六畜疫死

孛星犯婁宿占

天文錄曰孛星出婁先旱後水穀大貴六畜疫
天文摠論曰孛星出犯婁國有兵人民饑死五穀
貴不出三年 武密曰孛星犯婁倉庫空一曰有
大兵 陶隱居曰孛星犯婁四時亡祀 石申曰孛
星犯婁兵出

流星犯婁宿占

武密曰流星出婁有聚衆之事於外國流星抵犯

婁貴賤相謀流星守婁倉庫主錢穀者當有黜之
李淳風曰流星出婁五祀官用事春夏出苑囿興
作秋冬出犧牲貴 乙巳略例占曰流星出婁有德
令清獄入婁天子園苑犧牲繁冗若流星色黑苑
內六畜死

雲氣犯婁宿占

天文錄曰赤氣青氣入婁中有兵喪疾疫出婁其
禍除白氣入婁宿人民受賜黃雲氣入婁貴人受
賜黑氣入婁有水災

景祐乾象新書室壁奎婁四宿占卷第十九 類說



元豐元年十一月 日楷書臣蘇 宗亮 書

校定將仕郎守司天監主簿充翰林天文同測驗渾儀臣趙 靖

校定將仕郎守司天靈臺郎充翰林天文同測驗渾儀賜緋臣董 惟正

校定文林郎守司天監主簿同知算造臣周 日新

校定文林郎守司天監主簿同管句測驗渾儀臣于 太古

校定文林郎守司天監主簿充翰林天文同測驗渾儀臣王 應

校定承務郎守司天監丞管句書籍臣王 大明

校定儒林郎守司天監丞充曆算主簿兼同知算造臣楊 得言

校定朝奉郎權尚書庫部郎中曆算司丞管權管句算事同知算造臣周 琮

校定通直郎守司天中官正權判司天監兼提點曆書騎都尉賜紫金魚袋臣丁 洵

樞密學士散大夫尚書右丞兼侍讀知通進銀臺司兼酌駁事兼專功提舉進奏院判太常寺兼提儀事兼管殿中提

舉司天監事詳定郊廟奉祠禮議置新郡開國侯食邑三百賜紫金魚袋臣陳 襄



